


ديوان كف محني

للشاعر / محمد زايد



حقوق الطبع والنشر محفوظة
لدار الأديب للطبع والنشر والتوزيع

دار الأديب للطبع والنشر والتوزيع	اسم الدار
كف محنى	اسم الديوان
محمد زايد	اسم الشاعر
(٢٧٢٦٦ / ٢٠١٩) بدار الكتب المصرية	رقم الإيداع
دار الأديب للطبع والنشر والتوزيع	الإخراج الفني
من تصميمات الدار .	الغلاف

Facebook: Dar.Aladeb

Email : daraladeeb@gmail.com

Tel: 002- 01014449164

كف محني ..

كف محني وكف مهني

كف يعبي الليل من بدري

وكف يعني ليل ونهاري

يزرع بسمه في قلب الوادي

يطرح قسمه لكل ولادي

يملا غيطانا قوت لبلادي

كف محني وفرحك نادي

يشقي ويعرق لجل بلادي

تعلا وتكبر بعلم ولادي

بدي مابدك يمكن أكثر

اكتب واقرا بعدين قرر

علم بلادي لازم يكبر

يفهم مني حوارنا الهادي

اقول جوايه شايله هدايه

شق قنايه ترسم أخضر،

يفهم معني كلامي و يحضر

ولما اقله القدره الكبرى

يقولي العلم القدوي القصوي

لكل مجاهد من اجل بلادي

ولما اقله الكلمه الحره مره تحرر

يفهم معني للحريه من حوارتي!

كفي محني ويعلمني معني كلامي

اي إمامه بكلمه تصيب

اويمكن تهدم كل كلامي

بدي دفاتر اكتب فيها
الكلمه الحلو تأثر فيها

وف اشعاري اسجل فيها
لحن بلادي وكلمة وادي

وزرع بلادي وبلبلابي
يظهر طرح الوادي عليها

ازرع صوبه في قلب الدفتر
تحمي كتابي من اللي يعفر!

حيطة البيت بالود تنور
حبك يكبر وابنك اكثر

أرسم مركب يقرأ ويكتب
أرسم مصنع يعلي ويكبر

أرسم ملعب للاولاد يبقي الملعب
يملا حياة اولادنا شباب قبل ما يخسر

كف محني وعقلي يخطط،
شارع خالي من الاشغال !

والكل بيسمع قبل ما اشور
جوه الصوره للجمهور

حلوه نضيفه ذي مضيفه بنات الحور
كف محني يسمع مني

لوحتي غلبنى أنين الليل
حلم تقيل او متعفرت

ازرع نجمه في شط الليل
صوت انسان بلسان يدن

يسمع كل سهاري الليل
ينزل يركع يسجد يخشع

يعرف ان الله بالخير
يملا هوانا شهيق وزفير

صدر المعني ما بيتغير..!
كل عبادة الله تجلب خير

تبعد عنه تحس شقانا لغير
كام عنبايه فحضن البيت،

تطرح حب في قلب الغيظ
نصبح عيله نزرع نروي

نحصد نجني نطلع نجري
أرض نبيله بتطرح بيت

كفي محني بيكبر يعلي

كفي بيكبر الله أكبر

كف يصور صورة العيد

كف ينور نور البيت

كف يمطريسقي الغيط

كف يسطر كل حكاية

يرسم بيت يرسم غيط

بيت اشعاري كله مشاعر

كف محني ويحلم بكره

حلم بلادي ويعلي البيت

بدي اقرر أعمل مليون صوره للخير...!!

ضحكة الساعات..

ساعات نحس ..

بالساعات

ونحس قلبنا من غير

ساعات..

وساعات تتوه الذكريات

من عمر فوات

تحس بالدنيا وخذاك

بعيده..

ساعات بنسمع الشجن

آهات..

مالحزن يادنيا شهيد

وساعات صباح نفتكر

الأمل جراح

عدي وراح خد مننا أحلي

صباح..

وضحكة الساعات

راحت دنيتها الجديد

حلمي بعيد ..

مش مسامح اي بعد منك
إجرح والجرح اللي جاي منك

متشكرين...!

انا الوحيد اللي بعدي عنك
لوبخاطرك اوبايديك أهجر

مش مسامحك ..

العهد اللي بينا حلمي
والباقي اللي فاضلي بعدك

وان كان ع البعد هابعد
مش مقرب مدام بايديك
وبخطر قلبك ..

وان كان عليا باتظلم وبردو عادي
اعتبرني ذكري من الليله دي

واول مره ادخل بدون رغبتك
اسمك اللي جه وسط الاسامي

لقيتك مستغني عني دون الاسامي
شكرا لكل حلم كان معايا

شكرا لكل حلم كتبتة بدون خفايا
مش كل الاحلام بتضحك معايا

فيه احلام بتبكي في الخفايا



بكره وأمس ..

إمبارح كان يوم عدي
وبأكر بالاستنظر منه الأمس

إنه يكون معجون بعطور
ريحة الأيام بألوان عصافير

والهدل حمام وأشكال الطير
من قبل إمبارح كان توفير

وقلوب متعبيه بأصناف الخير
نوبة صحيان من فجر الطير

والأولاد بتلف الصبح يطير
وياه الحلم معشش زي الطير

طياره ورق والخيط لعلاع
بتدوب كل الأحلام جوه التفاسير

وأنا قلبي عايش ع التبشير
بشرة خير أحلام ليه وللغير

قلبي سفير بنوايا الخير
والنشء يعبي من جواه تبشير

أحمل البوم الشعرا بالتفاسير
واشم في عطور الأمرا عبير

موالي موال الفقرا
ومعبي أنين وأفلام تصاوير

مره بتصدق وكثير بالحلم بغير
مالحلم الشارد في خفايا الروح

في كتاب البوح الشارد
والأرض البور والليل البارد

الليل دبور بيئن خلايا الروح
بيعدي علي ضي البدر الباكر

وكفوف الصبر سارحه من امبارح
وأماكن خاليه وهدومي الباليه

ومعدش قلوب باقيه للتفكير
علي الضل الباقي من العتمه

والتوب البالي علي الجته،
والنظره الشارده من امبارح

والعته الماسكه في التوب
احلامنا بره جنب السكه تتوب

بلاشوق بلا لهفه وسكاكين الغيره
بتقطع في دواير الجته..

من قبل امبارح بمطارح
كان ليل سارح بالأفراح

وبنت عفيه وبنيه بتهدل بحمام
الليل كان فاتح دراعاته ونام

والنور كان سارح بساعاته سلام
وطبالي الكل المفروده بتساعي

الكل فرحان بالأمس اللي معدي
وسهرايه تلم معدي في الليل

الدنيا بتناجي بعفاف قلبي
الخير بيلوف علي اللي يزكي

علي الطهر الواضح في قلوب الناس
كوابيس الحلم اللي معدي لبكره منسيه

بتورفوانيس الضهر معديه
مع قولة ممة وكلمة ياممه،

بتعدي كل الأعتاب خلف العتمه
بتخضر في الأرض البور
بتزهر كل التكاعيب ورده

وتموت العيبه من الغيبه
ويزيد الضحك الساطع م العيبه

ولا عمري سمعت كلمة خيبه...!
مناقيش الكحك بتسلم ع العيد

وانا قلبي وقيد للحب يزيد
وقلوب بتحن للقمره أيام العيد

بتعبي الحب الجامع جلايب
وتسامح من قبل امبارح وتزيد

قلوبنا مطارح للحب والشوق زايد
وحروف الأمس الدبلانه ترانيم

الحب غموسنا في أيامنا الجايين
الفجر الساطع من بكره

بيدوب كل الصعب والكره
من نبض العشاق يملانا الشوق

بنزين أيامنا ونغني المواويل
عنوان الهمه في لحن الطير

تنده فدادينا بلحن العصافير
والصبح يشقشق بغناوي الطير

الشعر يسطر كل العناوين
والقلب تملي بيملني لنا الزير

واكمني مصلي والقلب فقير
مرتاح وتملي بصورتي امير

ومن قبل امبارح بامبارح مرتاح
بضمير...!



نبض ..

باتمني دائما تبقي

للروح

منتهاه

لما

يشرق الصباح

القي

في..

الشروق سماه

تبقي

واحه

خضره

أحضن الشوق معاه

تبقي

قمره

في..

عز الليل ضياه

تبقى

جنه

أحلم

في كل وقت أن دي

آخر

الحياة..



رتلي ..

وقولي وعودك
ولملمي باقي عهدك

وانا كمان بعيد عنك
ما تعودت ابدافي يوم هجرك

ولا كمان اكون بعيد عنك
وليه البعد يطوي جفاك

وانت الأمل كمان يهديك
ما فيش أحزان تدوس لياليك

ولاتنظري مني اوفيك
دا عهد بينا في ريعان اراضيك

وعد عليه وقطعته بعهدي إليك
بلاش تتجني في رسالتك

وتقولي ليه اتندم انا ندمك
انا عهدك أناوانتي ليوم الدين

مافيش غير قلوب اتنين
انا وانتي حياة وروحين

وقلبي انا فين في عهد ودين
قلبي عمره ماكان بأئين

ولا عمره خان عهد أمين
ماتدوبيش القلب اللي حبك

وعمره ما فكر يخون عهدك
غير هي نفس أماره بتوسوس

ابعدني عن قلب يتجسس
وحسي بمشاري تتحسس

امانه عليك ليوم الدين
رتلي ايات من القرآن

يحنن قلوبنا وعهدنا الاتنين...!!



غربه ..

متسألنيش ..

عن وقت بيعدني في الغربه
لافيه لقي ولا حتي في مقابله

انا قابله أكون جنبك
واحط أيدي علي جنبك

وارفع الهمة صحيح سندك
وعن عشقك اقول عاشقه

والله عمري باشتاقلك
متسألنيش انني عشقك

يمكن صحيح او بيتهياك
انني بهواكي ..

عشقك صمت ..

عشقك صمتي ولغتي

عاشق سواد الليل

والحب والأشواق

ماشي في دنيتي

ولاحد حاسس بي

دنيا كلها أوهاام

ماشي ورا الاحلام

والود طال بي

يام العيون ماتخون

وع الخدود حمرة خجل

وتحت الجفون مسجون

مسجون في خمرائتك

عاشق أنا ضلكم

والمشي في رحابكم

يام العيون السود
عاشق انا ترحالكم
مهما تلقى الكون
قلبي في رحابكم
وقمري ونجومي

بتسبح في أحلامكم
عاشق انا حبيكم
ودربي انا دربكم
عاشق انا صمتكم

والود من ودكم
غنيت علي أرضكم
منايا اعيش جنبكم

بالصبر والعشق موال
عايش علي دا الحال
مسجون في بحركم

لا الشط وصلني

ولا بحر كم قربني

مسير الدنيا في يوم تجمعي

وعاشق أنا صمتي

يمكن يوم يقربني ..



أشواق مكتوبه ..

ترتسم الحفلة عندي
وتعلن لتشرين مجدي

ذاكرة العمر أنتي
يجري في كل عروقي

فتعلن مقلي...!!
أني ممرد أو عاص إلا لحبك

ترسمني أشواقي عيناك
ويرسمني ضياؤك خداك

اكتبيني في قصاصات اشواقك

وسيعنن تشرين وكانون
أنا بالحب مجيبون مطيعون

وياسماء..

إعني القبول وسيأتي

يسكنني وجدي

وتتغازل روحك روحي

إشعل لي يا ولد الموقد

قد يأتي الموعد

إصنعلي من صلصالك شكل محبي

وارسم ضحكة قلبي المطفيء

برياح الحب هل تنجوا اونطفوا

ياذاكرة الأشواق هل يأتي صباح

نعن فيه ان الشوق مباح

أم نعلن أن الموت سلاح

والجهل نباح
وضمير الأمة غير متاح

إتواد الحب والشوق والعشق

فالعيش غير مباح
إوقد لي عشق المصباح

ماعاد يجدي
نهار وشمس وقمرحتي المصباح
القلم سينزف ألما
أتركني أصلي
فالوقت قد حان سيؤذن فجري
لعل الله يفرج همي حين انام



قصيدة أشواق ..

لوجربت الحب ياقلبي ولقيت حنيه
كنت زمانك قلت ياقلبي

ماتسبنيش ولاثانيه اللي بعيد مشتاق
واللي قريب مشتاق ..

لكن مش كل الأشواق
تعرف معني الحب ياقلبي

عايش بس خيال
وتملي ياقلبي وحيد

وان جيت تنده
تنده وانت بعيد ..

طيب قرب حوالين منه

الناس اللي يغنوا

والناس اللي اتهنوا

اللي بعيد مشتاق

واللي معاه مشتاق

لكن مش كل الأشواق

حتي اسأل كل العشاق

تعرف معني الحب ياقلبي

لوجربت الحب ياقلبي

ماكنش دا حالك ..

ليه مش راضي تحب

وايه بس اللي جراك

روح للحب وجرب

لشبابك يتغرب

مهما هاتبعد عنه

بارضه في يوم هاتقرب

لكن مش كل الأشواق

حتي اسأل كل العشاق

تعرف معني الحب ياقلبي !!..



أصعب قرار ..

إوجعيني بمشاعرك

لويوم وصابك

مالوهن هاشينك

بين دراعي واعالجك

إوجعيني من الآمك

اخفف عنك حمولك

إرفعي أكف الضراعه

وادعي بهمومك،،،!

شوفي مين هائسبتك

غيري أنا هاتحمك

وادعيلك بالنجاة في ليك

لواتجني عليك

هاتحملك !!

بس انتي زيدي

زيدي في قساوتك

عندي اهم شئ نجاتك

بسمتك ..

ماتفارقش صوتك

شايفك باسمعك

زيديني وجع

وجع القصيده في اللقا

لوبيها جفا ..

حسيت ان الوجع حقيقي

يضمنا ..

حسيت ان قلبي

بيتوجع ..

ممکن بعدها يبقي القرار

اما جنه واما نار

أبعد عنك بوجعي

أو نرجع ونصحح بينا القرار



عشق وكبرياء ..

تبلغني السعادة

أن لا كبرياء ..

حينما يعم المساء

يسافر الكبرياء

وتتعالى صيحات العشق

في كبد السماء

فالقلب يحب وما زال

بداخله الكبرياء

تترنح معلنة أن الحب

لاتذرفه الرياح

وأنين الكبرياء يصرخ

قدمضي عهد العشق

والحب ينبض يتجلي

في أكاليل الزهور

يعن ان للحب عصيان

تباركه السماء ..

ينادي انا الحب انا العشق

فتبا للكبرياء ..

دعوني انشر الحب والرواء

دعوني انطق ذكرا

أن للعشق آلهة السماء

دعوني انطق فكرا

للحب أزاهير السماء

اتحدث ليلا ..

فبباركه المساء

أنطق عشقا ..

فتباركه السماء

فالتعلن كل الأودية

كل البحار..

كل جداول الأنهار

أن للحب قلوب

بحجم السماء !!..



لا تخجلي ..

حبيبي لا تخجلي هذا بيتي ومرقدي
الصبا ضاع من يدي

قرري أن لا تبعدني شرقي غربي
مهمات طول السنين قلبك مرقدني

سرمدني او أنين لا تهجري
فالعمر ضاع من يدي

لا عمرك تبقي ملاك ولا قلبي قلب الأنبياء
كلنا بشر مش أنبياء ..

لكن المشاعر متأججه
النبض نبضي والقلب والأفنده

متأصله متوصله بشوية حنين
تشردي بلامحك اشردني

خلي نبضك واحلامك في قلبي
لوساعة شروق تصلي وتركعي

يبقي قلبك مليون بطاعه تسلمي
لويوم مطاوعك ان ترحلي قرري

لاانتي الملاك ..

ولاقلبي كان في يوم نبي

لاتخجلي !!..

تعرفي معني الغرام

ساعات حب وساعه خصام

وساعات نهيم في الدنا

يشجينا الهيام واللقا

وساعات تفرقنا جوه حلمنا
أنا وانت يخرس جوانا الكلام

تعبير ودارج وسارق حلمنا
كل اللي يحصل منا

ساعات تتغير ملامحي
وساعات إنتي مش هنا

لاتخجلي لاتخرجني عن مذهبي
لاانتني عمرك ملاك

ولا كنا في يوم قلوب الأنبياء
قلبي هنا محتاج للقا

محتاج لصدر يضمننا
محتاج شعاع الأمل ..

مره يدخل عشنا
قولي الصراحه ولا تخجلي

الهجر مش مننا
شيطان وساكن عشنا

قربي وصلي واركعي
خلي الإيمان يبارك حبنا

القلب اللي حبك مش ملاك
ولا قلبك قلب الأنبيا ..

لاتخجلي الصبا ضاع من يدي...!!



إشراقه ..

أشرقتي بصباحك عندي
غامضة المنبت تهذي

أولم يتصالح قلبي
سيبدا يومي بصباحك

أوقد تشرق شمسي
وساعات تمضي

وأيام بين جبيني قد تأتي
والأمل حتما سيوقع أو يمضي

سيكتب تاريخا يحكي
صبح علي مصر بحرفان

بجنيهان أودولارين ..!

صبح وامضي

واترك شمسك تلفح قمري

فأنا أكتب مايتعثر قلبي

هل يوما يمنعني

أو يخجل ..

يتباعد أمني فلا أنجو

من شاهد عيان يحنو

وكأني أتسول نحوا

أو اسرق شعرا يمحو

أو تنتحر الكلمات فلا تنجوا

يا قاص أكتب عني

ستنتحر دماثة قلومي

إني متمرّد عاص

لا أكتب شعرا في عشقي

أطلب نحري..

انصب لي مقصلة

حاكمني بأمري

فأنا للحب لم أمضي

ولم أوقع علي دفتر عشقي

حتي دواويني حرقت

وابتساماتي ذبلت

تكشيرة وجهي ذبحت

لم يعد لي غير صباح أت

وفجر لم يتبدد بالعبات

أكتبني فجرا ..

إرفعي علي مأذنة كي أعلن

للفجر يؤذن ..

أتركني أصلي.. ثم احكم

هل ينتحر العشق أويقتل!.



حبي ..

صبح لو حرفين
قص عليه أكتب
للحب اعتاب تولد!
و قد يولد..
ولم يشبه حبي قلبك
فحبي بدائرة اخري
فمعالمي ليست عندك
وأحاسيس الأنثي
لا تولد عندك
تذكرني أني أحببتك
أيولد حب بعد..
ومشاعر قد تتجدد
وأحاسيس قد تتولد
فدائرتي يمكن يوم
أوشهرا قد تتجدد
وتحدد يوما..
تقرب فيه او قد تبعد!

فرسالتى اليوم
قد لاتشبهه غدك
قدسار اليوم لبعذك
لا ترحل واتركلى الموعد
احيانا قلبى..
يسألنى وأعدى..
اواسمع نبضات القلب
يحن وينتظر الموعد
وعسى موقفنا لا يتبدد...!!



في وصف مصر ..

كل الكلام اللي انكتب
نقط في قلب بحر بتنسكب

تبان الدمعه علي الكتاب
تقول دا دمعه تاب ..

من كتر الحروف اللي في الكتب
طارح العناوين علي الشعوب

شعب فهم معني الكلام
وشعب ما فهمش الكتاب

ولاحس بقيمة الكلمه والعذاب
قرئت كل الكتب والمعني واحد

الثقافه للأمم والرب واحد
قول كل اللي عندك للخلايق

يتعلموا معني السعاده
قول كل اللي عندك للزمن واتركه

يايسمعوه ويتقدموا
أويجهلوا..؟!



دندنة أكتوبر ..

حبيبي يا عبد الرحمن
حببت بيت وزرعه وغيظ

وكل مادندن ع الناي
القاني نساي ..

اتذكرتك الأعوام القاني بعيد
عن كل الأزمان

كل اللي انا فاكراه
بيت وزرعه وغيظ
أيامها قالو غطوا

الشبابيك وجزاز البيت
لا ينور م الغدر يتهد البيت

فاكر بيحاولوا الحرب وموت
وساعتها ياولدي..

كان ليا اخوات ف الجهاديه
قلبي واكثني..

وكاني ديب هايطلع كبدي
وقالوا اكتوبر وفي رمضان

اتلموا الرجال الأبطال
وعدوا البر الشرقي

يااه يا عبد الرحمن فين زمن
الزمن الوعران..

والليل الحزنان إتبدل ليلنا نهار
والزمن الوعران اتبسم

ببرقص ع قناديل المصابيح
ولا عاد تلوين والا هد بيوت

والله يا عبدالرحمن في زما الحالى
ناقصنا كتير اولها ضمير

وتانيها العلم وتالتنا الحلم
كيف الحلم يا ولدي

نحلم نبنى بلدنا بعلم
مش بغباوته..

والانستني نمد الإيد للغرب
يااه يا عبد الرحمن

طولت عليك في زمانا الحالى
القلب الخالى كسبان بقليلوا

ما بيمرضش قليل الفكر

معلهش..!!

لوجاتي الفرصه راح اكمل

البيت وزرعه وغيط،

وفدانا اللي حيلتنا

بعد اكتوبر والنصر

مين جالنا ومين راح ناحيتنا

ومين ساب الأصل

وييدور ع الحيطه

ومين بيدور لخبيتنا



الله أعلم ..

الله اعلم ..!!

إن كنت باحلم أو لسه عايش
الله أعلم إن كنت حاسس..

أو كنت شاعر يوم من مشاعري
ماليش حد تاني غير هو قلبي

صديقي المستجيب بالمشاعر
ابيض زي الحليب وشاعر

لا مكر في يوم ولا كان خسيس
يروى ظماً المحتاجين وحاسس

غزله بفتله بيضا بينسجه
يغزل من نفس القماشه

توب الحياء والبشاشه
يرش الأمانى كل يوم بإيده

يصصح لساني بالمعاني
والمعاني والأغاني والأصفهاني

وعلي الجنايه واللي جايه واللي راحه
ان كنت عاقل ولاجناني منسيني حاجه

اللي مني ومن نفس القماشه
كتير يعاني من اللي جراه

من الليبرالي والعلماني والأصفهاني
والمنورين في ميزان العداله

الله أعلم...!!
بالمغولي والإسرائيلى والإنجليزى
الفرنسى والمسيبى الأمريكانى

اللي باعني ماشتراني

اللي دمر كل المواني

قلت اسافر أغور بعيد

عن المناصب والمتعصبين

قلت أهرب باللي باقي من كياني

مشوني في سكه بعيد عن بلادي

اتاريخها سكه مهمداني

اتاريخها سكة الاحتياطي والاعتباطي

التوهه خدنتي ونمت نوم الإحتياطي

أعمل إيه النوم نداني والدنيا هوجه

شوفت المعلم من أصل تاني

واقف مبلم عامل معلم

أتاريني باحلم الله أعلم،
بإني مصري من اصل تركي

والمعلم عامل نقابي وبرلماني
جاي يرافع وجاي يدافع

الدنيا ساقعه والكلمه كاتعه
ضرب دماغي ولسعني لسعه

إكمن صوتي من جوه قوتي
سمع وداني والدنيا سامعه

الله اعلم إن كنت مصري
أوحد تاتي ودماغه لاسعه



همسة عتاب ..

كنت عبر لي بلسانك

وبلاش حالة الذهول

كنت هاتغني بكلامك

وامسح دمة الحب الخجول

ولو كسوفك يمنعك

شاورلي بغمازاتك أفهمك

ولو عيوني ماتفهمك

راح تعاني ولاتفهملي المعاني

إبعثلي انت الفضول في شرحك

وقول توصف إيه في جرحك

عاوزتنول في وصفي واصدقك

إفرشلي الأرض حنه في جنتك

واكتبلي بالمحبه كتابك
يوم ميلادك تاريخ حياتك

تبقي عقد بينا واصدقك
ساعتها تنول رضايا..

وعيونك لك مر ايا في نظرتك
سكت الكلام واعلن لي البدايه

وعربون الهدايه واكتب كتابك
ساعتها بس اجمل معاني

واحسنها قول:
راح أعيش معاك وأصدقك..!!



إسمك مكتوب ..

وبين أحشاء الحروف

وبين الحنايا والصفوف

وبين تأويهة لم تطوف

وبين خاليه لم تخاف

لعنة الشعر والجفاف

مكتوب اسمك ابيات بعد بيت

يواري العشق ان ابيت

ويكتب الإسم الف بيت

خلف الدواوين ان رضيت

علي الغلاف إن وافيت

الف ولام وحاء وباء ما انحنيت

كلها للعشق ارتويت

وإن ملة قصيدة

وفي الأخرى عنيدة

سأبحر...!!

الي دواويني الجريئة

وأعتلي أكبر قصيدة

وسأكتبها ألف بيت

ولو جعلوها معلقة

يكفيني زهو القصيدة

كنت عبر لي بلسانك

وبلاش حالة الذهول

كنت هاتغني بكلامك

وامسح دمة الحب الخجول

ولو كسوفك يمنعك

شاوري بغمازاتك أفهمك

ولو عيوني ماتفهمك

راح تعاني ولاتفهملي المعاني

إبعثلي انت الفضول في شرحك

وقول توصف إيه في جرحك

عاوزتنول في وصفي واصدقك

إفرشلي الأرض حنه في جنتك

واكتبلي بالمحبه كتابك

يوم ميلادك تاريخ حياتك

تبقي عقد بينا واصدقك

ساعتها تنول رضايًا..

وعيونني لك مرآيا في نظرتك
سكت الكلام واعلن لي البدايه

وعربون الهدايه واكتب كتابك
ساعتها بس اجمل معاني

واحسنها قول :

راح أعيش معاك وأصدقك !!..



بالأمل هانعدي..

مهطالت حروف الخوف
وان ضلت كما الملهوف
وان زاد عليا انيني باشوف
إنناهنعدي بحور الخوف
ونطوف كما المخطوف
وانهرول سنين الطوف
علي أرضنا ونعدي
وهانهدي كمان بشویش
وهترسي سفينة نوح
والبحر المعبي يبوح
واسرارك يابلدي في لوح
واضحه كما الشمس
وليلك قمره هلال أو بدر
غير نوره وضي الشمس
كما البيارق محمله جنوده
وسايره في عرض البحر
ومابتغرقش...!!

اللي كان في البحر من فتره
أظنه الجهل مع الطمعان
ودي حكمه للعيان
يشوف بعنيه بني الإنسان
ورغم أسايا قلوبنا نسايا
وهنعي كمان الصعب
زمن الخريف يادوب مايطولش
وان طول لابد نتطهر ومندنس وناجي ربنا
الفكره واضحه ماينهزرش
دا وطن والأمه جامعه مايتلعش
وان لعبت دا خيبه ومايتنجش
من نواصي الخوف التنبله والبلا الأزرق
وموت الإحساس اللي مولدخوف
وكمان شعورك يا عديم بيطوف
ورغم وجود الحدادي في السما
وبتعلي النواح والتنبله
ورغم السكوت ع القوت
ورغم الكدابين في الموت

يموت الخوف تموت البيوت
والاتموت الأمحه بعلو الصوت
قبل ماتسافر ملامحنا
وقبل مانهجر مضاجعنا
وقطر الفراق معدي قريب
وكل الأمل مسطر ملامحنا
وقال بعلو الصوت
يفوت الموت علي اعتابنا
وجلالينا معطراها الذكري
ومن منبت حروف الموت
باقول تاني وهانكر
هانعدي بحور الموت
وهانسبح في أرض الخوف
وهانغزل مكنها بصوف
وهانرسم ملامحها
برسم صبيه في ليالي تبوح
وبتحكي كل اسرارها
محدث لسه كاسر هاشبابها هو عارفها

راسم طريق النور باصم بايد العلم
لازم يحل مغازلها
وهو اللي يزيح الخوف
وهما اول طريق ليها
كفايه علينا نسطر ملامحهم
وهنعي ونرسم اول طريق لينا
وايدي في ايدك يالا ندوس ع الخوف
ونبدا بصفحة عمل لينا
وبسمة امل تضلل حوالينا



نبض الكلمات ..

نبض نبض نبض

كل كلمة تساوي نبض

لوتعلم في كل فرد

يبقي كل فرد محتاج لنبض

نبض كلمة نبض حرف

بتعلمني الف معني

وكل نبضه ليها قلب

انت نبض كلمة حلوه

انتي بسمة كل غنوه

انت معني للحياة

من غير النبض مش حياه

هو القلب موجود ليه..؟؟

مش للنبض بس
وكمان علشان يحس!

وكمان للمشاعر الف حس
هوا نبض القلب حس

ايوه والله آه..
كل معني للحياة محتاجله نبض

خلي نبضك يحس بيك
يعليي رايتك ..

لو يوم مشاعرك بتناديك
كل الحياة مشتاقه ليك

لما نبض الأمه يبتسم
حاجه حلوه تترسم

سعادته دائمه مش وشم
إحنا الشعوب ..
اللي حاسه بنبض الوطن
بنتألم ساعة الألم ..
وساعة الفرح بيزيد الألم
حدشاف شعب عمره موجدوع ومتألم
عمره عايش بالمسكن إن مكانش
يبقي عايش بالألم
من عهد الفراعنة
وحتى الألفية الجديد
والنبض هو ااه ..!
جينات وراثيه لشعب بيحب الحياة
الألم متغلف بنكتة الحياة
نبض نبض نبض ..!
قلبك حياتك ونبضه حياة ..



إوعديني ..

في الجماعه نصلي صحبه
ونسجد سوي وندعي دعوه

ان الحب اللي جمعنا ثروه
بالإيمان والعزيمه قوه

إوعديني...!!

نكون صحبه يد واحده
علي كل مقومات الحياه

ولو جيوبي خاويه
افتكري ان دا من فعل ربي

زيدي وعدك واحضني أيامي
واكثري في الدعا أمامي،

اعرف ان قلبك هوا عزمي
او عديني تبقي سندي وضهري

وعمر ماستانظر تبقي قهري
خليني علي مدار اليوم شاهد
و حصري..

إو عديني ...!!



الحب غايه..

الحب غايه مش وسيئه

الحب حاله مش استحاله

ولما تطب تنهج قلبك دا حاله

فيها المشاعر والخجل سحابه

تمد فوق راسك غمامه

تمد إيدك يسبقك قلبك سعاده

فيه انفراجة جوه القلب بابتسامه

تملا الدنيا ورودها بسعاده

الحب حاله !!..

هي حاله اتتعاش وبغرابه

تحس انك سعيد بألف حاله

طاير في السما وشك بشاشه
الحب غايه ومش وسيله ينتهي

ممكن في أي لحظه يبتدي
وتكتب القصص الجميله في حصتي

انا القلب العفي اللي حب في سكتي
هي واحده في دنيتي وسايبه علامه

بلاش ملامه كلنا بنحب بسلامه



عيون بلدي ..

عينااااك !!..

عيناك اجمل قصيدة فانظري
ولي فيها جمال فارمقي
وجفون لم تري الكري فقرري
انك أجمل من في البقاع فاعلمي
انني ماض في حبك فاسمعي
كل حروف القصايد فاشعلي
لعل قلبي يرتعد فاتمهي
ولا تشعلي النيران فتحرقي
عيناك اجمل من القمر فتأكدي
من خلق عيناك جعل للقمر جمالا فتمهي
ان لقلبي عيون فترقبني
اني أحبك فلا محالة فقربي
وانظري لعيناك فهم من قرروا
أنني بحبك ماض يدي بيدك فانهضي

قلمي الرصاص ..

رسمة ايدي وقلمي رصاص
بحر سمائي وغيطان قلبي
شعله وفاس ترسم صوره
مبيقتلش ولو برصاص
مفيهوش دم ..
الإحساس جاي من رسم
ملهوش صوت لكن بينن
وف اشعاره الناس بتحن
حتي الصورة بتتطق لوبرصاص
اكتب أشعاري لوبجناس
الشعر يدواي بالإحساس
أقرا كلام الشعر..
واتعلم في قلوب الناس
تفهم صوره عبر بيها
دا الإحساس بيعلم جوه قلوب الناس
قلمي رصاص باكتب بيه
عمره مايصيب الإحساس

فضفضته شعريه..

من فوق فضفضة الحروف
دبحت بإديا خروف

ورسمت من دمه اسامي وحروف
وفضلت اطوف علي طوفي!

واسجل للناس كل حروفي
لابهنج ولا افيس ولاداعي لخوفي

الكلمه رساله ياإخواني
من سن البرجل واقلامي

الدفتري واقف قدامي!
بيندهلي ويقولني تعالي

لو تكتب راح امليك اشعاري

او عاك برسالتك تنساني

او تضرب لفه وتغواني

وتكتب زي الناس الفيسه

اي كلام ويعلم ع الأخت نفيسه

تبقي التاج علي منشور اللبيسه

بتصحني يا قلبي دا انت فاهمني

وعار فني اكر من نفسي

دا العمر معاك ما قصفتك

ولا حتي ضيعت في لباسك

ولما الحبر بيخلص باجريلك

لو حتي ابرلك من دمي واجيلك

مانت وريدي وحبل لأفكاري
وبصدق لما بتأمرني وباجري!

وباقول للناس انك إنساني
الورقه معاك ينزل وحييي

يجيني الإلهام وافضل اضحي
مش باكتب سالب او فتحي

اوأسود وبلونه القمحي
اوأبيض والون علي فتحي

انا واضح بوضوح شمسي
اكتبني ياقلمي بلون وردك

وفصيلتك وبيوتك أصلك
تنسج في حروفي بودك

من قلبي وهديل الينابيع تندهك
ورسالتني يا قلمي في كراستك

مكتوبه بسنك ووريدي بيسمعك
انا شاعر من نوع تسمحلي اناديك

من فتحة فاهك وعنيك
راح اصدق كل اللي يقولوا عليك

ان كنت الجني اولحنك يناديك
اكتبني الشاعر ووسطرني سطورك

قلمي يحبك ويحن عليك
ولا عمري في يوم اقسي عليك



لا تسألني الرحيل ..

ماذنب الإعتذار إذا ما الهجر زار
وبريق الإنتظار قد جف بحلم النهار

وإذا ما الليل تجني بدار
أثكلني هموم الديار ..

حقيبة الذكريات قد ضنت الأفكار
ولهيب الأشوق قد اضاها طول الإنتظار

أنتظر...!!

أزرع في حدائقي الأشجار
الفل والياسمين والثمار

أقطف الأزهار للعطور
وعلي أذرعني وسادة الإعتذار

بكل ليل ابدلها ورودا
وانتظر الوعود والعهود والخلود

انتظر الرجوع والورود
فقد فاض الحنين للجبين

فلا تسألني الرحيل
فأسأل العودة والشوق

وقل للأحاسيس أن تعود
وللمشاعر لن تغيب

فلا تطيل الغياب ولا تطرق الأبواب
ولا هو موصد ولا بالوراب!

الباب مفتوح ..

فلا تطيل الغياب

اشرعتي منهكة من الإنتظار
اوردتي لم توصل الإشتياق
انتظرك في الصباح والمساء

ذاكرتي تتجدد محملة بالذكريات
لاتجعلها فريسة لليأس
أطرح الفرح من البؤس،
تشقشق عصافير النهار

وعقارب الساعة بالإنهيار
وقمر ينتشي بالضياء

موعدي هنا منتظر
فلاتسجلني بالغياب



أنهكني الإنتظار ..

الأيام تمر..

ولم أشتم العبير

الأنفاس لم تأتي بقدر

أنتظر تنفس النهار

وعقارب الإنتظار

تمر بليل وتفكر بالنهار

ساعات تتوالي المرور

والاشتياق موحش وغيور

أفتش في كل الأختيار

لم أري بالقلب اختيار

أنتظر لعني مخير...!!

لا بديل عندي..

توصلت في النهاية

أن القلب قد ذبل ووهن

وعقارب الأيام قد خفت

المشاعر والأحاسيس

قد عبست بها الأقدار!

ترهلت شاخت لم تعد تحتمل

مسايق الإنتظار..

وعطور الثياب

ضلت طريق الإنصهار

وانحنت...!

وبقيت تجاعيد الزمن

لبرودة المشاعر قرار

أن لا تفكر في العشق

ولا لمة الأحباب

والطرق والجذب والإنصهار

التلاقي يولد ويشعل الإختيار

البعد ام القرب ..

علي صدر الإختيار وقار

أشتم قرب العطور

لعلني اجدمن كنت ابحت عنه

وسط الغيوم..

ترتعد مشاعري في برد وسقيع

تتهته الأحاسيس بحروف

لعلني أجد الرد ما سبب الهجر

البعد والهجير...؟

أهجرني ..

منتظرك اكثر..

انا ردة فعلي تسبق عقلي

فوضعت القلب في كفة

وحدايق عمري تتكفي

إمنعني أن يثلج صدري

بين صدادات القلب أجري

وأنين العمر

تهجر اشرعتي مكبلة

خطوة خطوه تتباطئ

تتناثر اوردي

تزهق مني تلاحقتي

تمنعني تصرخ في وجهي...!!

إن كنت المجهول تنازعني

تهرب مني..

فهنيئ لك اشرد

فمصاحف قلبي ترتل

آيات تنشد عضدي

تقويني ..

أبعد ماشئت ..

أهجرني مليا لوشئت

فشتات القلب ممزوج

بدخان ورماد اسود

أقصيني من واديك

لعل القلب يناديك

ولاتندم يوما..

فواديك الأحمق لايرحم

لاتقصي يوما مأذنة

تتاديك اليوم بخمس..

كبر في صلاتك جهرا

ولعل الله يتقبل..



أيوه بخاف ..

طبعا لسه الخوف جوانا
لولا شعورنا والأحاسيس

كنا زمانا في عالم تاني
لسه أكيد الخوف جوانا

جوانا براكين خوف
من الأطماع خوف من جوه

من الأوغاد خوف من بعده
علي الأولاد !!..

اللي يخاف يبقي حريص
متقولش جبان !!..

أصل الجبن ملوهش مكان
بين الحرص علي الأوطان

لسه بخاف من أشخاص
مالهمش مكان داخل الدوله

وقالوا مناصب قلنا نحاسب
علي المشاريب
طلعهم هما واخدين الأرض

وسرقوا القهوه والمعازيم
جينا نحاسب قالوا حسابكم راح البنك

مع المشاريب قلنا نروح
قال من خوفنا نشرب شاي

قال فبيوتنا القينا الدار محجوزه
مكتوب ورقه علي الجدران

بيت محجوز علشان دخان
والمشاريب من عندي كمان

سرقوا الأرض وحتى البيت

محجوز لسعادة البية

خوفنا أكيد من المجهول

لسه محدش جه معدول

والمعدول حوليه مايلين بالملايين

كام تغيير فيها الفاسد

فيها طالع م التحرير

بس ضمير مش موجود

تحرير إيه بيقلوا امياديين

ولسه الفرز في الفراعين

مش عارف والله الباقي منين
لساني خايف آه من بكره آه مالجاي

ممکن يطلعوا فراعين
لساني خايف آه من بكره
وكمان م الجاي !!..



حبة مشاعر..

حبة مشاعر في القلب دفيانين
في زمن الصبا والحب الدفين

كرسي المدرج كان معين
وكان تملي اتنين محجوزين

حكاية حب واعجاب سنين
انا الولد الفقير وهيا ابعده خطوتين

تروح بلاد العم سام يومين
وانا اللي أعاني من المجروحين

الملم الأيام تبحتري مرتين
احلم وحلمي بيعدني لسنين.

مدرج الحلم الدفين بيأمني
مش طایل إلا المآسي

خليني ناسي حتي همسي
خليني اعاني وحدتي وناسي

هيا ريداني وانا قتلها اعزريني
انتي فين برجك دا عاجي

وانا الفقير إن دام يومين
وأقول منين ..؟؟

بس انت وافق ورحلتك الجايه هجره
وبعدها تحلو السنين..

بيني وبينك ماقدرش اهاجر
كل اللي عندي أهجريني

وانتي بالنسبالي ذكري
خلي صورتك في قلبي غنوه
أتحلي بيها طول السنين
خليني أحبك من بعيد
انا مش عنيد !!..
لو اقدر عالعيش هاعيش
لساني طير بيطلعو ريش
مهما كان مااقدرش اعيش
وانتي مية حبيب يعشش
هاستناك العمر كله مش هاسيبك
اتركيني للذكريات..
ساعات أحن وساعات الحقيقه
باعاني من الحقيقه حلاوتها مره
وعقلي اللي فاضل ساعات يناضل
وافضل عليل حبة مشاعر دبلانين
تمر الدقايق والثواني والساعات
وافضل اكابروقول في نفسي

يا ابن ريفي فينك وفين المتمدنين..؟؟

إرجع لعقلك ارجع لناسك

وعيش علي قد توبك

بكره السنين تمحي مشاعرك

ولسه فاكر صورتها من سنين

ولسه المشاعر في القلب ساكنه

بس دبلانه من طول السنين

وهي في برج عاجي..

في بلاد العام سام من سنين

حبة مشاعر ماينتهوا مر السنين..!!



